

AD ERVDITISSIMVM LAELIVM TAVRELLIVM ILLVSTRISS. COSMI DVCIS FLORENTINORVM IURI PRÆFECTVM, DE IIS QUÆ PER TAURVM & BVBVLVM OMNE GENVS SIGNIFICANTVR EX FACRIS ÆGYPTIORVM LITCRIS.

**N** publica peccare commoda videar, doctissime Taurelle, si Tauri mei mugitus nescio quos Serenissimo Duci Cosmo meo, imò tuo, imò proborū omnium patrono, dedicare non erubuerim. Nam quamvis non sim nescius eum studioforum commodis applaudere, maiorum suorū exemplo, qui omnes summam & eam eternam laudem comparauerunt, dum scilicet literas & virtutes, & bonos omnes mores in Italia, atque adeò in ipsa clarissima ciuitate Florentia florere, & in honore esse, omni studio, conatūq; omni curauerunt: negotia tamen, quibus iuuenis ornatissimus nunc in tanto rerum Italicarum motu & perturbatione detinetur, non permittunt, vt importunus accedam, tamen si sapientissime & magna cum ciuium suorū commendatione omnia temperet & moderetur, ita vt omnes curam studiumq; senile in etate tam viridi admirentur. Quare Taurello potius amico benignissimo eum alendum curandumq; dedi, cui cibus is, quo Taurus noster pascitur, sufficit abunde, vt cum opportunū fuerit, resque ipsa monuerit, suo tempore & loco Taurellus de Tauro, qua in eo sunt laudabilia, atque magna etiam admirationis, proferat, & ratiocinetur, Principemque ingenio præstantem, quibus dotibus animal polleat, & si dicere licet, quibus virtutibus insignis habeatur, interdum commonefaciat. Nam qua homines recte laudabiliterq; faciunt, cum illi ad hæc agenda nati sint, & unusquisque ab animo suo, qui ratione pollet, possit exempla desumere, quia tamen dotes hæc ab humana natura demanant, non vsque adeo sunt in nobis admiranda: sed quæ sera faciunt animalia, quibus singuli ferè singulis motus sunt impertiti, si ultra naturæ suæ fines prouehantur, eo preciosiora iudicantur, quo magis interdum humanum genus in certamen prouocare comperiuntur: cuiusmodi multa admiranda super Elephanto proximo

Commentario ad Reuerendissimum Sfortiam commemorauimus, quibus non inferiora forsitan de tauro vel bouillo omni genere dicturi sumus.

c iiij

